



Republika e Kosovës
Republika Kosova – Republic of Kosovo
ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY



Organi Shqyrtues i Prokurimit (OSHP) – Rruga Migjeni (ish Banka e Ljublanës), Kati V-të, Prishtinë, Kosovë
Tel: 383 38 312 309 email: oshp@rks-gov.net

RAPORTI I EKSPERTIT SHQYRTUES

Eksperti Shqyrtues	Data e autorizimit të ekspertit	Date e dorëzimit të raportit	Nr. i lëndës
Agnese Ibrahim	03.01.2024	15.01.2024	2023/1059

BAZA LIGJORE E SHQYRTIMIT

Me datën: 28.12.2023, OE “GEO & LAND SH.P.K.”- Prishtinë, ka parashtruar ankesë me nr: 2023/1059, kundër anulimit të aktivitetit të prokurimit, lidhur me aktivitetin e prokurimit: “DIGJITALIZIMI I TË DHËNAVE PËR INFRASTRUKTURËN PUBLIKE DHE NDËRTIMI I WEBGIS-it PËR KOMUNËN E RAHOVECIT” me nr. të prokurimit: "623-23-5382-2-2-1", iniciuar nga Autoriteti Kontraktues (AK) – KUVENDI KOMUNAL - RAHOVECË.

Autoriteti kontraktues ka zbatuar procedurë të hapur, lloji i kontratës: shërbim, vlera e parashikuar e kontratës: 124,000 €.

Fazat e procedurës së prokurimit:

Njoftimi për kontratë: 29/05/2023

Hapja e ofertave: 19/06/2023

Vendimi i AK-së pas rivlerësimit: 15/12/2023

Nëse është e përsëritur ankesa, të shënohet se lidhur me këtë lëndë është nxjerr një vendim i mëparshëm i OSHP - së, më Nr. 2023/1059 i dt:28.12.2023. Konform nenit 113, 114 të Ligjit Nr. 04 / L - 042, i plotësuar dhe ndryshuar me Ligjin 04 / L - 237, Ligjin 05 / L - 068, dhe Ligjin 05 / L - 092, Eksperti Shqyrtues i ka shqyrtuar pretendimet ankimore të OE ankues.

DISPOZITAT E SHKELURA DHE PRETENDIMET ANKIMORE

--

Njoftimi për kontratë me datë 29.05.2023

B54 Formulari standard për korrigjimin e gabimeve në njoftimet e publikuara me datë 15.06.2023

Afati i fundit për dorëzimin e tenderit: 27.06.2023

Kriteri për dhënie të kontratës: Çmimi më i ulët

Njoftim mbi vendimin e autoritetit kontraktues 20.07.2023

Kërkesa për rishqyrtim tek AK: 25.07.2023

Vendimi për refuzim të kërkesës për rishqyrtim nga AK: 25.07.2023

Ankesa OSHP 04.08.2023

Mendimi i ESH 21.08.2023

Vendimi i OSHP 17.11.2023

Letër sqarim 11.12.2023

Kërkesa për rishqyrtim e dt. 18.12.2023

Ne si OE konsiderojmë që Vendimi për Refuzim të Kërkesës për Ri-shqyrtim i datës 19/12/2023 nga AK është në kundërshtim me rregullativën ligjore ashtu që cënon sigurinë juridike që e jep Ligji Nr. 04/L-042 për Prokurimin Publik në Republikën e Kosovës së bashku me të gjithë Ligjet tjera që bëjnë ndryshim/plotësimin e këtij ligji. AK me dt. 19/12/2023 ka refuzuar Kërkesën për Ri-shqyrtim, por nuk ka ofruar përgjigje për asnjërin nga pretendimet tona ankimore.

Pretendimi ankimor nr. 1:

Me datë 15.12.2023 AK ka publikuar “Njoftimin mbi vendimin e Autoritetit Kontraktues”, ku AK ka marrë vendim të ANULOJ këtë aktivitet të prokurimit, me arsyetimin si ne vijim:

- Një dispozitë në Ligjin e Prokurimit Publik kërkon anulimin e aktivitetit të prokurimit;
- 43.5 Procedura e prokurimit *pas hapjes së ofertave* duhet të anulohet për një nga arsyet e mëposhtme:
- një shkelje e ligjit ka ndodhur ose do të ndodhë dhe nuk mund të rregullohet apo të parandalohet përmes një ndryshimi;
- nëse AK gjatë përgatitjes dhe udhëheqjes se procedurës ka përdorur gabimisht opcionin për procedurën përkatëse;

Arsyetim:

Njoftimi për Kontratë dhe Dosja e Tenderit, e publikuar me datë: 29.05.2023, në sistemin e Prokurimit Elektronik, është publikuar si **Procedurë e Hapur – Shërbime**, dhe Jo Kontratë Kornizë, kurse **Përshkrimi i Çmimeve i ofruar nga Njësi Kërkuese është Çmim për Njësi me poentim**, ku ne si AK gjatë përgatitjes dhe udhëheqjes se procedurës kemi përdorur gabimisht opcionin për procedurën përkatëse.

Në vendimin e tij AK është thirrur në Ligjin e Prokurimit Publik, duke cekur nenin 43.5, i cili nuk ekziston fare në LPP. Andaj vendimi është i kundërligjshëm (në kundërshtim me nenin 59.4 dhe neni 62 i LPP).

Ne supozojmë se AK ka tentuar të bazohet në nenin 43.5, i cili është pjesë e Rregullores nr. 001/2022 për Prokurimin Publik, dhe si i tillë, thotë (citojmë):

43.5 Procedura e prokurimit pas hapjes së ofertave duhet të anulohet për një nga arsyet e mëposhtme:

- a. asnjë tender nuk është paraqitur brenda afatit të specifikuar;
- b. asnjëri prej tenderëve të pranuar nuk është i përgjegjshëm;
- c. numri i OE të përgjegjshëm për kontratë publike kornizë me më shumë se një OE është më pak se 3(tre);
- d. nuk ka kërkesa për të marrë pjesë, në procedurat e kufizuara ose konkurruese me negociata, që janë paraqitur brenda afatit të specifikuar;
- e. numri i kandidatëve të kualifikuar në procedurën e kufizuar/ konkurruese me negociata është më pak se 3;
- f. nuk ka projekte që janë paraqitur brenda afatit të specifikuar;
- g. asnjë nga projektet e pranuar në konkursin e projektimit nuk janë të përgjegjshëm;
- h. nëse urdhërohet nga Organi Shqyrtues i Prokurimit;
- i. një shkelje e ligjit ka ndodhur ose do të ndodhë dhe nuk mund të rregullohet apo të parandalohet përmes një ndryshimi;
- j. nëse AK gjatë përgatitjes dhe udhëheqjes se procedurës ka përdorur gabimisht opcionin për procedurën përkatëse dhe i cili gabim me verifikim të KRPP-se është i pariparueshëm; ose
- k. nëse është paraqitur një gabim teknik në platformën e prokurimit elektronik nga ndonjë situatë e paparashikuar dhe jashtë kontrollit të AK dhe i cili gabim është i pariparueshëm sipas verifikimit dhe konstatimit nga KRPP.

Neni 43.5, pika j në të cilën, si duket AK ka tentuar të bazohet, kërkon verifikimin e KRPP. Andaj, në kërkesën për rishqyrtim të datës 18.12.2023 kemi kërkuar që AK të bëjë publik verifikimin e KRPP, në të cilin do të duhej të bazohej vendimi për anulim, mirëpo AK nuk e ka bërë një gjë të tillë. Andaj, bazuar në Rregulloren nr. 001/2022 për Prokurimit Publik, vendimi për anulim të këtij AP është në kundërshtim me nenin 43.5 të kësaj rregullore, sepse asnjëra nga pikat e këtij neni nuk plotësohet në këtë rast.

Pretendimi ankimor nr. 2:

AK në vendimin për Anulim të dt. 15.12.2023 ka shkelur LPP, neni 62, sepse ka anuluar (përfunduar) këtë aktivitet të prokurimit duke mos vlerësuar tenderët e pranuar. AK ka vepruar në kundërshtim me vendimin e OSHP të 17.11.2023 nr. 546-23, i cili si i tillë ka kërkuar që aktiviteti i prokurimit të kthehet në ri-vlerësim, dhe jo të anulohet. Pjesë e vendimit të OSHP është po ashtu mendimi i ESH i dt. 21.08.2023, i cili njësoj ka pranuar pretendimet tona ankimore në tërësi dhe ka dhënë rekomandim që procedura të ri-vlerësohet.

Pretendimi ankimor nr. 3:

Me datë 11.12.2023 ne si OE kemi dhënë një Letër Sqarim ndaj AK si kërkesë e tij për informacione shtesë, ndër të tjera kemi nënvizuar se duket qartë që AK ka qëllime tendencioze që këtë aktivitet të prokurimit mos ta vlerësoj drejt në përputhje me LPP dhe dispozitat nënligjore. Ky pretendim u vërtetua në vendimin e AK të datës 15.12.2023 për anulim, për shkak se:

- 3.1 Fakti se është kontratë publike me çmime fikse dhe jo kontratë publike kornizë është pjesë e pretendimeve tona ankimore të paraqitura në Kërkesën për Rishqyrtim të dt. 25.07.2023, të cilën AK e ka refuzuar.
- 3.2 Fakti se është kontratë publike me çmime fikse jo kontratë publike kornizë është pjesë e pretendimeve tona ankimore të paraqitura në ankesën e dt. 04.08.2023, dorëzuar në OSHP, dhe si të tilla janë pranuar në tërësi nga OSHP (vendimi nr. 546-23), mirëpo vendimi final është që procedura të ri-vlerësohet dhe jo anulohet siç ka vepruar AK.
- 3.3 Arsyetimi i paraqitur nga AK se për këtë aktivitet të prokurimit është kontratë publike me çmime fikse dhe jo kontratë publike kornizë nuk paraqet asnjë pengesë të vetme që ky aktivitet i prokurimit të vlerësohet në përputhje me LPP, nenin 59, nenin 60, dhe nenin 61, dhe për kontratë të shpërblehet OE i përgjegjshëm me çmimin më të lirë.

KRITERET PËR VLERËSIM

Kapaciteti teknik dhe profesional:


Kërkesa 1: Operatori Ekonomik duhet te ketë ne listë te paktën këtë staf profesional
1.1. Menaxheri i Projektit – Bachelor i Diplomuar në Shkenca Kompjuterike, me përvojë pune min. 7 vite pas diplomimit, (i njëjti duhet te jetë i certifikuar ne fushën e IT, GIS apo të ngjashme);
1.2. Bachelor i Diplomuar në Gjeografi, me përvojë pune min. 3 vite pas diplomimit, (i njëjti duhet te jetë certifikuar ne fushën e hartave GIS);
1.3. Zhvillues Front-end WebGIS, Bachelor i Diplomuar në Shkenca Kompjuterike, me përvojë pune min. 3 vite pas diplomimit;
1.4. Ekspert për Gjeodezi, Bachelor i Diplomuar në Gjeodezi, me përvojë pune min. 3 vite pas diplomimit;
1.5. Dy (2) Hulumtues terreni, Bachelor i Diplomuar në Gjeografi, me përvojë pune min. 1 vite pas diplomimit;

Dëshmia e kërkuar dokumentare:

Dëshmia 1

- Diplomata përkatëse – Kopje të noterizuar;
- CV-në (të nënshkruar nga vetë pala);
- Kontrata e punës me punëdhënësin ose marrëveshja mbi angazhim për këtë projekt;
- Letër referencë për punët e mëparshme në lëmin e kërkuar e lëshuar nga punëdhënësit;
- Certifikata përkatëse – Kopje;
- Një deklaratë me shkrim për caktimin e Menaxherit te Projektit – duhet të dorëzohet në origjinal, i nënshkruar dhe i vulosur nga Operatori Ekonomik për pikën 1.1

RAPORTI I KOMISIONI VLERËSUES



Për:	Operatori Ekonomik: GEO&LAND SH.P.K., Bardhyl Qaushi, C15/11 Nr. 7, 10000, PRISHTINË Operatorëve Ekonomik Të gjitha palëve të interesuar
Nga:	Astrit Mullabazi, Menaxher i Zyrës së Prokurimit
Lënda:	VENDIM për Rishqyrtim të Kërkesës
Datë:	19.12.2023

Zyrtari Përgjegjës i Prokurimit i Komunës së Rahovecit, në mbështetje të nenit 108/A (paragrafi 10.1) të Ligjit Nr. 04/L-042 për Prokurimin Publik të Republikës së Kosovës, i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-092, si dhe duke u bazuar në nenin 63 paragrafi 1 të Rregullores Nr. 001/2022 për Prokurim Publik, sa i përket Kërkesës për Rishqyrtim të datës: **18.12.2023**, të parashtruar nga **Operatori Ekonomik: GEO&LAND SH.P.K.** me adresë në **Prishtinë**, lidhur me aktivitetin e prokurimit me titull: **DIGJITALIZIMI I TË DHËNAVE PËR INFRASTRUKTURËN PUBLIKE DHE NDËRTIMI I WEBGIS-it PËR KOMUNËN E RAHOVECIT**, me Numër të prokurimit: **623-23-5382-2-2-1**, Numër i brendshëm: **623-23-040-2-2-1**, nxjerr:

VENDIM

- I. REFUZOHET** si e pa bazuar kërkesa e parashtruar nga **Operatori Ekonomik: GEO&LAND SH.P.K.** me adresë në **Prishtinë**, lidhur me aktivitetin e prokurimit me titull: **DIGJITALIZIMI I TË DHËNAVE PËR INFRASTRUKTURËN PUBLIKE DHE NDËRTIMI I WEBGIS-it PËR KOMUNËN E RAHOVECIT**, me Numër të prokurimit: **623-23-5382-2-2-1**, Numër i brendshëm: **623-23-040-2-2-1**, kundër Njoftimit mbi vendimin e AK-së, të datës: **15.12.2023**, të publikuar në ueb – faqe: <https://e-prokurimi.rks-gov.net>.
- II.** Autoriteti Kontraktues vendos të vazhdoj me Njoftim Mbi Vendimin e Autoritet Kontraktues për aktivitetin e prokurimit: **DIGJITALIZIMI I TË DHËNAVE PËR INFRASTRUKTURËN PUBLIKE DHE NDËRTIMI I WEBGIS-it PËR KOMUNËN E RAHOVECIT**, me Numër të prokurimit: **623-23-5382-2-2-1**, Numër i brendshëm: **623-23-040-2-2-1**
- III.** Ky vendim hyn në fuqi ditën e nënshkrimit dhe do të publikohet për të gjitha palët në platformën elektronik në adresën: <https://e-prokurimi.rks-gov.net>.

ARSYETIM

Operatori Ekonomik: GEO&LAND SH.P.K. me adresë në Prishtinë, lidhur me aktivitetin e prokurimit me titull: **DIGJITALIZIMI I TË DHËNAVE PËR INFRASTRUKTURËN PUBLIKE DHE NDËRTIMI I WEBGIS-it PËR KOMUNËN E RAHOVECIT**, me Numër të prokurimit: **623-23-5382-2-2-1**, Numër i brendshëm: **623-23-040-2-2-1**, kundër Njoftimit mbi vendimin e AK-së, të datës: **15.12.2023**, të publikuar në ueb – faqe: <https://e-prokurimi.rks-gov.net>, ka bërë Kërkesë për Rishqyrtim me datë: **18.12.2023**, sipas nenit 108/A, të Ligjit për Prokurimin Publik (LPP) me Nr. 04/L-042.

BAZA LIGJORE PËR REFUZIM TË KËRKESËS

Sqarimet janë si në vijim:

Autoriteti Kontraktues: KOMUNA E RAHOVECIT, me datë: **15.12.2023**, me Formularin:

B58 - NJOFTIM MBI VENDIMIN E AUTORITETIT KONTRAKTUES, të publikuar në Sistemin e prokurimit elektronik: <https://e-prokurimi.rks-gov.net>, ju ka Njoftuar se AK ANULON aktivitetin e prokurimit, me arsyetim:

- Një dispozitë në Ligjin e Prokurimit Publik kërkon anulimin e aktivitetit të prokurimit;
- 43.5 Procedura e prokurimit *pas hapjes së ofertave* duhet të anulohet për një nga arsytet e mëposhtme:
 - një shkelje e ligjit ka ndodhur ose do të ndodhë dhe nuk mund të rregullohet apo të parandalohet përmes një ndryshimi;
 - nëse AK gjatë përgatitjes dhe udhëheqjes së procedurës ka përdorur gabimisht opcionin për procedurën përkatëse;

Arsyetim:

Njoftimi për Kontratë dhe Dosja e Tenderit, e publikuar me datë: 29.05.2023, në sistemin e Prokurimit Elektronik, është publikuar si **Procedurë e Hapur – Shërbime**, dhe Jo Kontratë Kornizë, kurse **Përshkrimi i Çmimeve i ofruar nga Njësia Kërkuese është Çmim për Njësi me poentim**, ku ne si AK gjatë përgatitjes dhe udhëheqjes së procedurës kemi përdorur gabimisht opcionin për procedurën përkatëse.

Nga konstatimet e lartcekur u vendos si në dispozitave të këtij Vendimi.

Kjo procedurë është trajtuar konform Ligjit Nr. 04/042, Ligji për Prokurimin Publik në Republikën e Kosovës, i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-92.

KËSHILLË JURIDIKE:

Kundër këtij vendimi të AK-së ju munde të paraqitni ankesë pranë OSHP-së në pajtim me nenin 109 të LPP-së. Ankesa pranë OSHP-së duhet të dorëzohet brenda 10 (dhjetë) ditëve pas vendimit të lëshuar nga Autoriteti Kontraktues.

Vendimi Publikohet:

Në platformën elektronike në adresën: <https://e-prokurimi.rks-gov.net>

Astrit Mullabazi
Menaxher i Zyrës së Prokurimit
Komuna e Rahovecit

INFORMACIONET SHITESË TË MARRA ME ANË TË SQARIME TË KËRKUARA NGA EKSPERTI SHQYRTUES/TEKNIK

n/a

VLERËSIMI SIPAS NENIT 4.1.26 TË LPP

VENDIMET E MËPARSHME TË OSHP LIDHUR ME RASTET E NGJASHME

n/a

ARSYETIMI PËR DEVIJIM NGA PRAKTIKA E MËPARSHME

n/a

PËRGJIGJE NË PRETENDIMET ANKIMORE TË OE ANKUES - GEO & LAND SH.P.K.

Sqarim hyrës: Ky aktivitet prokurimi është kthyer në rivlerësim me Vendim të OSHP-së, nr. 546/23, pas rivlerësimit AK ka marr vendim për anulim të kësaj procedure dhe OE si palë e pakënaqur me këtë vendim, ka ngritur disa pretendime për të cilat eksperti shqyrtues është përgjigjur si më poshtë.

Pretendimi 1

OE ankues pretendon që: “Me datë 15.12.2023 AK ka publikuar “Njoftimin mbi vendimin e Autoritetit Kontraktues”, ku AK ka marrë vendim të ANULOJ këtë aktivitet të prokurimit. Në vendimin e tij AK është thirrur në Ligjin e Prokurimit Publik, duke cekur nenin 43.5, i cili nuk ekziston fare në LPP. Andaj vendimi është i kundërligjshëm (në kundërshtim me nenin 59.4 dhe neni 62 i LPP). Neni 43.5, pika j në të cilën, si duket AK ka tentuar të bazohet, kërkon verifikimin e KRPP. Andaj, në kërkesën për rishqyrtim të datës 18.12.2023 kemi kërkuar që AK të bëjë publik verifikimin e KRPP, në të cilin do të duhej të bazohej vendimi për anulim, mirëpo AK nuk e ka bërë një gjë të tillë. Andaj, bazuar në Rregulloren nr. 001/2022 për Prokurimit Publik, vendimi për anulim të këtij AP është në kundërshtim me nenin 43.5 të kësaj rregullore, sepse asnjëra nga pikat e këtij neni nuk plotësohet në këtë rast.”

Eksperti sqaron se edhe në ankesën paraprake të parashtruar nga OE ankues në OSHP, eksperti përmes raportit të tij ka pasqyruar shkeljen e nenit 9 të LPP-së e cila është bërë nga ana e AK-së, në rastin kur AK ka ditur saktë sasi të rrugëve dhe trotualet që duhet digjitalizuar, ku për të njëjtat edhe vet ka pranuar se këto sasi janë të njohura për AK-në përmes përgjigjeve që ka

dhënë në kërkesat për rishqyrtim të operatorëve ankues, por që të njëjtat nuk i ka vendosur edhe në paramasë, mirëpo ka zgjedhur të shkoj gabimisht përmes çmimeve të peshuara dhe sasive të papërcaktuara. Në vendimin e marr për anulim, AK është thirrur në nenin 43.5 të Rregullores për Prokurimin Publik, përkatësisht pika i dhe j e saj ku thuhet, citojmë: “i. një shkelje e ligjit ka ndodhur ose do të ndodhë dhe nuk mund të rregullohet apo të parandalohet përmes një ndryshimi; dhe j.nëse AK gjatë përgatitjes dhe udhëheqjes se procedurës ka përdorur gabimisht opcionin për procedurën përkatëse dhe i cili gabim me verifikim të KRPP-se është i pariparueshëm;”.

Shkelja e ligjit ka ndodhur nga ana e AK-së dhe kjo shkelje është pasqyruar edhe në raportin paraprak të ekspertit edhe në vendimin e panelit shqyrtues. Sipas nenit 62 të LPP-së, pika 1.1 e këtij neni thotë se - *një shkelje e ligjit aktual ka ndodhur apo do të ndodh në procedurën e prokurimit, e cila nuk mund të rregullohet apo të parandalohet përmes një amandamenti ligjor të kushteve të prokurimit, duke përfshirë edhe rastet ku një dispozitë e këtij ligji kërkon anulimin e aktivitetit të prokurimit.* Sipas këtij neni AK ka të drejtë të anuloj procedurën e prokurimit si në rastin konkret, për faktin se siç e kemi cekur, paramasa në këtë aktivitet ka qenë e përpiluar gabimisht qysh në fillim të tij, ndërsa sa i përket thirrjes në pikën j, është e paqartë, për shkak se AK nuk ka publikuar asnjë konfirmim të marr nga ana e KRPP-së.

Pretendimi 2

“AK në vendimin për Anulim të dt. 15.12.2023 ka shkelur LPP, neni 62, sepse ka anuluar (përfunduar) këtë aktivitet të prokurimit duke mos vlerësuar tenderët e pranuar. AK ka vepruar në kundërshtim me vendimin e OSHP të 17.11.2023 nr. 546-23, i cili si i tillë ka kërkuar që aktiviteti i prokurimit të kthehet në ri-vlerësim, dhe jo të anulohet. Pjesë e vendimit të OSHP është po ashtu mendimi i ESH i dt. 21.08.2023 , i cili njësoj ka pranuar pretendimet tona ankimore në tërësi dhe ka dhënë rekomandim që procedura të rivlerësohet.”

Sipas Raportit të ekspertit dhe Vendimi i OSHP-së me numër 546/23 është kërkuar që lënda të kthehet në rivlerësim. AK ka pranuar vendimin e OSHP-së duke bërë rivlerësimin e ofertave, gjatë rivlerësimit AK ka vërejtur se për pozicionin 3 të paramasës OE ankues ka ofertuar me çmim të ulët, ku sipas RRPP-së dhe Udhëzuesit janë përmbushur kushtet e çmimit jo-normalisht të ulët, ku AK duhet të kërkoj sqarime shtesë nga operatori. AK ka vepruar sipas legjislacionit, duke kërkuar sqarime shtesë dhe sqarimet shtesë janë dorëzuar edhe nga ana e OE ankues por sipas rregullores, këto sqarime pranohen vetëm atëherë kur AK bindet se më të vërtetë këto çmime të ulëta janë të arsyeshme. Edhe pse AK përmes vendimit për anulim nuk e ka cekur këtë arsye, vet anulimi i kësaj procedure tregon se AK si duket nuk është bindur mjaftueshëm me shpjegimin e bërë nga ana OE ankues dhe prandaj ka ardhë deri te marrja e këtij vendimi. Pretendimi që AK nuk ka vepruar sipas vendimit të OSHP-së, konsiderojmë se nuk qëndron për arsye se AK ka bërë rivlerësim të procedurës dhe më pas ka ndryshuar vendim, nga rekomandimi për dhënie të kontratës në anulim të kësaj procedure duke u thirrur

në RRPP. Por, që edhe sipas ekspertit AK sipas neni 62 të LPP-së, pika 1.1 është detyruar të anulohet këtë procedurë, për shkak të shkeljes së ndodhur të ligjit të paraqitur edhe me raport dhe vendim paraprak.

Pretendimi 3

“Me datë 11.12.2023 ne si OE kemi dhënë një Letër Sqarim ndaj AK si kërkesë e tij për informacione shitesë, ndër të tjera kemi nënvizuar se duket qartë që AK ka qëllime tendencioze që këtë aktivitet të prokurimit mos ta vlerësoj drejt në përputhje me LPP dhe dispozitat nënligjore. Ky pretendim u vërtetua në vendimin e AK të datës 15.12.2023 për anulim.”

Eksperti sqaron se pas kthimit të lëndës në rivlerësim, AK ka dërguar Letër Standarde të kërkesës për informata mbi tenderët jo-normalisht të ulët tek OE ankues, duke marrë parasysh se pozicioni përmes të cilës ka kërkuar sqarim për pozicionin e tretë në paramasë, sipas nenit 41 të Rregullores për Prokurimin Publik dhe sipas Udhëzuesit për Prokurimin Publik, përkatësisht neni 11 dhe pika 11.1 e këtij udhëzuesi tregojnë për kushtet të cilat duhet të plotësohen, në mënyrë që një tender të konsiderohet si jo-normalisht i ulët. AK duke u bazuar në këto tre kushte të plotësuar siç e përmendëm edhe më lartë ka bërë kërkesë për sqarim duke kërkuar nga operatori ankues në mënyrë të detajuar të sqarohet se si do të përmbushë pozicionin e tretë të paramasës me çmimin e ofruar. OE ankues është përgjigjur ndaj kësaj kërkesë ku ndër të tjerash thekson se, citim: *“me përgjegjësi morale dhe penale deklarojmë se çmimi i ofruar për pozicionin e tretë do të realizohet në tërësi sipas kërkesave të kontratës”*. Sipas pikës 41.10 të RRPP-së, pas marrjes së sqarimeve nga operatori ekonomik, AK duhet të vendosë nëse sqarimi është i mjaftueshëm dhe do të trajtohet njëjtë me tenderët e tjerë apo nëse sqarimi nuk mjafton do të refuzoj tenderin. AK pas këtij sqarimi të marrë, merr vendim për anulim të procedurës së prokurimit duke u bazuar në arsyetimet të cilat i kemi cekur edhe më lartë në këtë raport.

Duke marrë parasysh situatën e krijuar, shkeljet e LPP-së dhe gabimet të cilat AK ka lëshuar gjatë kësaj procedure qysh në fillim, gabime të cilat kanë sjellur paqartësi sa i përket sasive dhe çmimeve që duhej të vendosen në paramasë nga operatorët ekonomik pjesëmarrës, ku edhe pse AK ka ditur saktë saktë e pozicioneve në paramasë, i njëjti nuk i ka paraqitur ato siç duhet, edhe mendimi i ekspertit është se në këtë pikë të arritur një situatë e tillë e bënë të vështirë të bëhet një vlerësim real i ofertave ekzistuese, andaj konsiderojmë sipas nenit 62, pika 1.1 e LPP-së, vendimi i AK-së për anulim duhet të mbetet në fuqi.

REKOMANDIMI I EKSPERTIT SHQYRTUES

Duke u bazuar në sqarimet e lartpërmendura, eksperti shqyrtues i propozon panelit shqyrtues që ankesa

Raporti i ekspertit shqyrtues, lidhur me ankesën e parashtruar nga OE “**GEO & LAND SH.P.K.**”, lidhur me aktivitetin e prokurimit “**DIGJITALIZIMI I TË DHËNAVE PËR INFRASTRUKTURËN PUBLIKE DHE NDËRTIMI I WEBGIS-it PËR KOMUNËN E RAHOVECIT**” me numër të prokurimit: “**623-23-5382-2-2-1**”, të iniciuar nga Autoriteti Kontraktues (AK) – **KUVENDI KOMUNAL - RAHOVECË**

e OE ankues aprovet si pjesërisht e bazuar dhe të mbetet në fuqi vendimi i AK.

Raporti i ekspertit shqyrtues, lidhur me ankesën e parashtruar nga OE “GEO & LAND SH.P.K.”, lidhur me aktivitetin e prokurimit “DIGJITALIZIMI I TË DHËNAVE PËR INFRASTRUKTURËN PUBLIKE DHE NDËRTIMI I WEBGIS-it PËR KOMUNËN E RAHOVECIT” me numër të prokurimit: “623-23-5382-2-2-1, të iniciuar nga Autoriteti Kontraktues (AK) – KUVENDI KOMUNAL - RAHOVECË

Raporti i ekspertizës ti dorëzohet:

- Autoritetit Kontraktues – **KUVENDI KOMUNAL - RAHOVECË**
- Panelit Shqyrtues – **OSHP**
- OE ankues – **GEO & LAND SH.P.K.**

Agnese Ibrahim

